

جَزَائِدُ حَاكِمِيَّةِ

١٢٩٠

❖ صالِي ❖

نومرو	رمضان	سنة	اغستوس	سنة	صفحة
١١٠	٢١	١٢٩٨	٤	١٢٩٧	٨٧٣

❖ اشبو غزته بهر هفته صالی کونلری چیقار . سنه لکی مجیدی اچمه التمش غروشدر بهر نسخته سی التمش ❖
❖ پاره مجیدی به اوله رق هر برده صاتیلور . درج اولنه جق اعلاناتک بهر سطرندن ایکی غروش النور . ❖
❖ سنه لکنه مشتری اولوق استیانلر عدلیه نظارت جلیله سی اوراق مدر لکنه عن اجعت ایتلیدر ❖

کوستریلان نسبت اوزرینه تقسیمی اقتضا ایده جکی
اکلاشادیغی اشعارات واقعه دن مستبان اولمسیله
ایضاح مقصده لزوم کور نمشدر شویله که بشیوز
ودها زیاده حاصلاتی اولان محللر مقاولات
محرر لکرینک مخصوص محرری بولنده جغندن
حاصلات مذکوره دن بالذات محرر عائداتی اول
امر ده افراز ایدیه جک بشیوزک مجموعی اولوب
مباشرله ومصارف واقعه یه قارشولوق اوله رق
افراز اولنه جق مقدار اندن زیاده اوله جق حاصلاته
مخصوص ومنحصردر شو حاله کوره حاصلات
شهریه سی بشیوز غروشی تجاوز ایتیمان وحساب
متوسطله مقدار سنویسی التی بیک غروش راده سنده
اولان محرر لکریک بشقه بشقه کاتب ومباشر استخدامنه
قارشولغی اولمامسندن ناشی وظانف تحریریه یی بالذات
محررک ایفائیلی و امور تبلیغیه ده دخی منسوب
اولدیغی محکمه مباشر لینی استخدام اتسی لازم
کله جکی کبی اقامت ایچون آروجه محل استیجارینه
ایتمیان وذاتاً محرره عائد اولان حاصلاتک دخی محکمه داخلنده

(توجیهات عدلیه)

ایدین ولایت جلیله سی محکمه استینافیه سی رئیس
ثانیسی سعادتلو بهاء الدین بک افندی یه رتیه اولی
صنف ثانیسی توجیه بیورلمشدر

(عدلیه نظارت جلیله سندن فی ٢٠ رمضان)
(سنه ٩٨ تاریخیه در سعادت وطشره محاکم)
(استینافیه سی مدعی عموم لکرینه تسطیر اولنان)
(عموم صورتیدر)

مقاولات محرر لکری عائداتک صورت اداره
وانقسامنه دائر فی ١٩ ذی الحججه سنه ٩٧ تاریخده
نعیماً تسطیر اولنان تحریر اتده کوستریلان صورتدن
مقصد مقاولات محرر لکریک ذاتلرینه راجع اوله جق
عائداتک شهریه بشیوز غروشدن دون اولمامسی
لزومک بیانی ایکن بعض محللرده اومقداری تجاوز
ایتمیان وذاتاً محرره عائد اولان حاصلاتک دخی

اولسی ولوازم قرطاسیه و منفرقه مثلوا مصارف ضروریه نك كندو عائداتدن تسویه ایدلسی و سنوی التي بيك غروشدن زیاده حاصلات ویرن مقاولات محرر لکترینك مستقل محرر لری اوله جغندن تقسیمات مجوئهدن مستثنا طوبيله جق شهری بشیوز غروش عائداتنك اوست طرفنك تحریرات مذکوره ده کوستریلان قاعده مجوئهدن عثمایه توفیقاً تقریق اولنسی لازم کلور ویر مقاولات محرر لکینك برسنه ایچنده بعضاً برآیده بشیوزدن اسک و بعضاً دخی دیگر آیلرده اندن زیاده حاصلاتی وقوعبولسی طبیعی اولدیغنه نظراً برسنه لك مجموع حاصلاتی التي بيك غروشه بالغ اولیان مقاولات محرر لکترینه بروجه محرر مستقل محرر تعییننه حاجت اولدیغی جهته بعد المصارف مجموع حاصلاتك محررلك وظیفه سنی علاوه کوره جك کاتبه ترك اولنه جغنه نظراً زهره مستقل مقاولات محرری تعییننه لزوم وارد و زهره محکمه کتبه سنه علاوه ایضای وظیفه ایتدیرلك لازمدر بونك بیلمسی ایچون مقیاس بولنقی هر محرر لکك تاریخ تشکیلندن طقسان بش سنه سی شباطی غایه سنه قدر بشقه و طقسان التي سنه سی مارتدن سنه مرفومه شباطی نهایتنه قدر بشقه اوله رق ماه بمه نمقدار حاصلات وقوعبولدیغنی متضمن ایکی قطعه دفترک ارسالنه متوقف بولنغیله اولوجهله ایجابی اجرا وانبا اولنقی اوزره دفاتر مذکوره نك سرعت تنظیم وارسالی لزومنك اشعاری جانب محاسبه دن بامذکره بیان اولنمشدر مقدم و موخر تبلیغ اولندیغی اوزره هر بر بدایت محکمه سی ایچون بولنسی نظا مناسمه مخصوص اقتضاسندن اولان مقاولات محرر لکترینك سرعت تشکیليله انتخاب اولنه جق محرر و رفیقترینك اسم و شهرتترینی و ایشه مباشرتترینی تاریخنی

و حاصلات واقعه نك مقدار بختی متضمن جدولاً بالتطبیق حفظ اولنقی اوزره اشبو مقاولانولوناً معین اولان اعضا حاضر بولنقسزین حکم محرر لکترینه مخصوص مهرلك بر ورقه به تخیررسی کی احوال ظهورنده صدور ایدن اعلام ایله ارسال اولنسی لزومی کوسر لمشیکن اکثر محالار مقتضیات مصلحت ایفا اولندیغی کی بعض محالار دخی تبلیغات مذکوره به تمایله و فنیق معامله اولنمیور اعطا اولنان معلوماتك نقصانی جهتیله اولیاباید ایضاح و تأکید ایچون تکرار مخابراته لزوم کوریلدیغی یور ارتق تکرار و تأکید حاجت بر اغلیه رق تفصیلات مذکوره به توفیقاً دقت و اهمیت مخصوصه ایله مقتضیات مصلحتك سرعت ایفاسیله مقصدك تأمین حصولی خصوصنك تعیمیاً اشعاری امور حقوقیه مدیریتندن افاده قلمغله اولوجهله اجرای ایجابی سیاقنده

(یوز طقوزنجی نومرولی جریده محاکمه مندرج)
(اعلامك بقیه سی)

صلاحیت قانونیه سی اولسنندن نشأت ایلدیکی اکلاشیلوب طشره محاکم تجارتدن و یا تجارت محاکمك عدم وجودینه مبنی محاکم مذکوره مقامنه قائم اولان بدایت محاکمندن دعاوی مختلطه حقدنه ویریلان اعلامات علیه نه اقامه ایلدیله جك استیناف دعوارینك در سعادت محکمه تجارت برنجی مجلسنده فصل ورؤیتی اتخاذ اولنان قاعده مرعیه ایجابندن و بوحاله نظراً ردوس محکمه تجارتك دعواى استینافیه مذکوریه فی فصل ورؤیت ایتسیله وظیفه سنی تجاوز ایلدیکی امور وانجه دن ایدوکنه و بر محکمه وظایف اساسیه و صریحه سی خارجنده و شرائط تشکیلنه مبان اوله رق حکم اعطاسنه تصدی ایلدیکی تقدیرده مثلاً برحقون محکمه سنك

(محکمه استیناف تجارت قسمندن ویریلان فی)
(۱۰ ربیع الآخر سنه ۹۸ وفی ۲۶ شباط سنه)
(۹۶ تاریخلی اعلامك صورتیدر)

خداویردی زاده سعادتلو اوخانسی افندی ایله بیلنده متکون دعوایه دأر اوچنجی محکمه تجارتك فی ۱۴ کانون ثانی سنه ۹۶ تاریخلی قراری علیه نه اعتراضی حاوی کوچه زاده سعادتلو اغوب افندی حضرتلرینك وکیل طنغر اوغلی سمیون امضاسیله عطا قلنان عرضحال فی ۳ ربیع الاول سنه ۹۸

تاریخنده محکمه استیناف تجارت قسمنه حواله قلمش اعتبار عمومی بانقه سنده قومیداس بکمزبان باسنده مصدق کفیل کوسرلمش اولغله مستأنف طرفندن کرک منفرداً و کرک مشترکاً محاکمه اولنقی اوزره طنغر اوغلی سمیون و ملیکیان اغیزار افندیلر باسنده مصدق توکیل ایلدیله رک و مستأنف علیه دخی بالذات کلهرک اوراق لازمه مواجهه لرنده قرائت اولندی

عرضحال مذکوره قرار مستأنف به مغایر قانون کورندیکندن بمثله ایشك استینافاً رؤیتی استدعا قلمشدر

قرار نامه نك مفادی سعادتلو اوخانسی افندی نك ادعا ایلدیکی مبالغك حسابی بارؤیه تین ایده جك الاجفنگ تحصیلی و زنده مرهون بولنان کردانلغك فروختی ایله اتمانك مطلوبنه محسوب قلمسی و کاملاً استینافی مطلوب ایدنجیه دکن با مقوله حاز اولدیغی اوچ نوع تأمیناتك کا کان ابقامی و ویریله جك قرارك موقتاً اجرایی خصوصلرینی دعوی ایلسی اوزرینه سعادتلو اغوب افندی حضرتلرینك وکیل ایله چند دفعه محاکم لری اجرا قلندقدن صکره مشار

ایله اغوب افندی نك امر محاکمه دن وقوع امتناعیله اوخانسی افندی نك استناد ایتدیکی سنندك حاوی اولدیغی مبالغك گذشته سی بالحساب و تسلیماتك كذلك گذشته سیله محسوبی بالاجرا متباقی اوتوز یدی بيك درتیوز یتش التي لیرانك مع مصارف محاکمه مدعی علیه دن تحصیلنه واشبو حکمك موقتاً اجرا ایدلسنه دأر ویریلان غیاب اعلامی اوزرینه مشار ایله اغوب افندی اعتراض علی الحکم ایدرک عند المحاکمه معترض وکیل موکلی طرفندن مدعی به ویریلان سنندك هر تقدیر بدلی استقراض اولنمش صورتیله یازلمش ایشده اساس دین معامله عتیقه دن

منبعث اولوب سندك حين اعطاستنده برشي استقراض اولنديغني وموكلنت ماليه خزينه سنده اولان الاجفندن اوتوز بيك ليراسي سندك تنظيمندن مقدم حواله ايلديكي جهته سنده استقراضه دائر مندرج اولان اقراري واهي اولوب رهنيث خصوصي عقد رهنيته متعلق اولان شرائط مشروعه يه عدم اقتراي حسيبله درجه اعتباردن ساقط اولديغي مثلو مذكور اوتوز بيك ليراسنده محرر اولديغي اوزره ماليه خزينه سندن استيفا اولتمق شرطيله صورت قطعيله حواله ايلديكندن وماليه نظارت جليله سنك تذكره سنده محرر اولديغي وجهله ماليه جه قبول ايديلوب عقد حواله سي شرائطي تماميله ايفا اولتمغله وبوصورت اوخانس افندي طرفندن دخي تصديق قلمغله ارتق بونك فسخ ايلسي قابل اولميه جفندن ذكر اولنان اوتوز بيك ليرانك موكلنت دينه اجراي محسوبي لازم كاه جكني درميان ومعرض عليه مذكور اوتوز بيك ليراسنده سنده صورت قطعيله حواله ايدلماش اولديغني اتيان اظلمري اوزرينه لدي التذكر اغوب افندي طرفندن اوخانس افندي يه ويريلان سنده مذكور تذكره ده سالف البيان اوتوز بيك ليراخزينه مشار اليه ايدان اخذ اولندقمجه مبالغ مستقرضه يه محسوب اولتمق ومرهونات سائريره علاوه تاامينات اولق اوزره حواله قلدنيغني كوسترلديكندن ودين مذكور معامله عتيقه دن نشأت ايتمش اولسه بيله بوصورت سند مذكور ايله تذكره مزبوره حكمتك بطلانتي استلزام ايتمه جكندن ومذكور تذكره حواله نك قبولنه دائر محرر اولان معاملات قليه مافدين بيننده جريان ايتمش اولان مقاوله مخصوصه يي درجه اعتباردن اسقاط ايدمه جكندن ومقدور ايتسلم اولميا نك ترهيني جائز اولديغني كبي صورت ترهينيه ده

اوله رق جريان ايدن حواله دخي حوالات مشروعه قيلمندن اولماسنه ومذكور حواله نك ادما قلدنيغني وجهله كيفيت انعقاديني مومي ايه اوخانس افندي تصديق ايتيوب ياكز تاامينات اولق اوزره حواله قلدنيغني بيان ايلديكنه ميني مذكور اوتوز بيك ليراسي مومي ايه اوخانس افندي يه نه رهن اولتمش ونه ده قطعياً حواله ايدلماش اولوب انجق مذكور سنده تذكره مجبوته مالرندن اكلاشليديغنه كوره استيفاي مطلوب ايچون حق مداخله سي اولتمق اوزره برتأمين مالي اوله رق مومي ايه اوخانس افندي يه ارئه اولنديغني وجهله ادما اولنان حواله نك صورت قطعيله ده منعقد اولديغنه ومعرض مشار اليه وكينك اساس ماره حفته بشقه برديه جكي وار ايسه درميان ايلسنه قرار و يرلديكني مبنيدر

مستأنفك لايحه سنده سند تاريخنده نسنه استقراض اولنديغندن تاريخ مذكوره معلوم المقدار اچه ايتمش بوللو وقوعه بولان اقراري كذب اولوب بو ايسه خصمك تصديقيه درجه ثبوتيه واردني جهته اقرار كاذبه مبني سند اساساً حكمنز ايدوكنه وديون عتيقه يه كنججه نظامي دائره سنده محاسبه نك رويتي صره سنده اوتوز بيك ليرانك دخي حواله اعطا اولنديغني اكلاشيله جفندن قانوناً تقاص ومحسوبنك اجراسي لازم كله جكنه وحواله نك قطعياً عقد اولنديغني خصمي اقرار اعتراف ايتدكجه وحواله نك انعقادنده نه بولده معمله اولتمق لازم كله جكي كتاب الحواله ده مندرج بولندقمجه تحت اقرارده اولان حواله نك قوت وتأثيري احكام مجله يه تطبيقاً حل اولندجفته وحواله اخرا قلدني ديون حضور حاكمه اقرار ايدنك بالاخره اقراريني تاويل بولنده سوز سولسي قبوله غير شايان بولنديغنه

حواله اولنان اچه ده محيل اولان كندوسنك حق خصمي واكام مداخله يه صلاحيتي منقطع ايدوكندن مه الحواله مبلغ محال به دين ايدندي دنيله ميه جكنه ودين حفته رهنيث ادعاسي مجموع اوله ده جفته و خصمك رهن ادعاسي نابعل ايدوكي تحقيق ايدوكن صكره كندو سنك اصل سوزي ايدوكي روح قانون اقتضا سندن بولنديغندن انكله حكم ايتك ايجاب ايدر ايكن درجه اولي محكمه سنك خود خود برنوع عقدك وقوعي درميان ايله نو ايجاد ايدله تاامينات ماليه درديه رك هم قانونك وهم طرفينك ايدلاري خارجنده اوله رق عندي بر دليل اوزرينه حكمتي بنا ايتسي وحواله ادعاسي يعني برات ذمتك قانوناً اصل ايدوكي طرفينك ادعاسي و ابراز قلتان ورقه رسميه ايله مثبت ايكن شكلني ورنكلريني تبديل ايتك طرفنه كمتسي يولسر ايدوكنه وبحوالده مذكور اوتوز بيك ليرادن كندوسنك ذمتي بري اولديغنه ميني مكرراً اعطاسي دعوا سندن خصمك منعه قرار برلسي طلبي مسطور در

مستأنف عليهك لايحه سنده خصمي سندی اقرار ايدرك منازع فيه مبالغ ايسه سند تاريخنده ويا خود مقدمه و يرلمش اولسنك اهميتي اوله ميه جفندن و اوتوز بيك ليرانك سندن تقاص ومحسوبي اجرا قلمبوب بالعكس طرفينك مقصدي برقانده تاامين حقوقدن عبارت ايدوكي سنده مصرح اولديغندن وحواله نك قطعياً عقد اولنديغني وبوجهته اوتوز بيك ليرايه قدر ذمتي ابرا ايلديكني كندوسنك اقرار ايلديكنه دائر اولان خصمك ادعاسي بي اساس اولوب سند دخي خصوص مزبوري تكذيب ايلنديكندن وكندوسنك بدايت دعوا دنبرو ادعا ايتدوكي وسندن اكلاشليديغني اوزره طرفينك مقصدي انجق حقوقني برقانده تاامين ايتكندن عبارت اوله رق

اكاكوره قرار و يرلسي كندوسنك ادعاسنه وقانونه موافق اولديغندن قرار مزبورك تصديقيه مصارف محاكمه نك مستأنف تحميلي محرر در طرفين استجواب اولندقمده لايحه لري مندرجاتني تكرار ايله برابر مستأنف وكسلي خصمي درجه اوليه اوتوز بيك ليرانك رهن اولنديغني ادعا ايتمش ايكن اشبو ادعا خارجنده اوله رق تاامين مالي دينلسي مغاير حكم قانون بولنديغني ومستأنف عليه ببولده ويريلان قرارك نتيجه سي ادما ايلديكي كبي رهن اولنديغني ايا ايدوب مع مافيه بوجهت قرارك فسخني موجب اولميه جفندن استينافاً اصلاحي لازم كله جكني واولنان سوال اوزرينه بشقه برديه جكري قلمديغني افاده ايللميله محاكمه لر ينك ختام بولديغني افهام ايلدي

ايجاب كيفيت لدي المذاكره مستأنف وكسلي بالاده سرداولنان اسبابدن طولاي قرار مستأنف بهك فسخني طلب ايدوب قرار نامه ده محرر اسبابه مبني مذكور اوتوز بيك ليراسي اوخانس افندي يه نه رهن اولتمش ونه ده قطعياً حواله ايدلماش اولوب انجق سند و تذكره مالرندن اكلاشليديغنه كوره استيفاي مطلوب ايچون حق مداخله سي اولق اوزه بر تاامين مالي اوله رق اوخانس افندي يه ارئه اولنديغني وجهله حواله نك صورت قطعيله ده منعقد اولنديغنه قرار و يرلديكي كوسترلمش ايسه ده درجه اولي محكمه سي اعلامنك بوجه مذكور اول امرده نه رهن ونه ده حواله قطعيله نقييله مابعدنده دخي بونلرك خارجنده اوله رق برتأمين مالي دينلسي كبي برقرارده ايكي حكم متبايني تضمن ايلسي تقاضي موجب كورنديكندن وچونكه مجبوته عنه اولان اوتوز بيك ليرانك بر طرفندن رهن و ديكر طرفندن حواله قطعيله اولنديغني اعا قلدنيغني جهته اشبو ادعا لردن

برینک تصدیق ایلمسی لازم کلدیکی حالده محکمه مذکوره ننگ او یولده طرفینک ادعای خارجنده اوله رق قرار و یرمسی دعوی واقعده و اصول محاکمه یه مغایر کورندیکندن قرار مز بورک فسخلیه اصول و نظامی دأره سننده صراحة تعیین ماده ایلمت اوزره دره جبه اولی محکمه سنه اعاده سنه و مصارف محکمه اوله رق زبرده مرقم جمعاً اوچیوز سکسان غروشک مستأنف علییه رجوع ایتمک شرطیله مستأنفدن المنسبه اکثریتله درجه نایه ده قرار و یر یله رک طرفینه تفهیم قلندی

(محکمه تمیز حقوق دأره سنندن و یر یلان)
(اعلامک صورتیدر)

کسریه قضایی ساکنلرندن دنیه ولد ولو ایله یینلرنده متحدت دعویه دأر قضاء مذکور بدایت محکمه سنندن تنظیم قلنسان فی ۱۶ حزیران سنه ۹۵ تاریخی اعلامدن طولانی قضاء مذکورده مقیم متوفی اورخان بک زاده کامل بک طرفندن اعطا اولنان تمیز دعوی عرضحالیه متفرعاتی مناستر استیناف محکمه سی مدعی عومیلکنک برقطعه تحریرات مخصوصه سیله محکمه تمیز حقوق دأره سنه اسرا و مناستر ولایتیه مربوط پسودر قریه لی خانجی شیشقون امضاسنی و فی ۹ تموز سنه ۹۵ تاریخی حاوی مصدق برقطعه کفالت سنندی اعطاسیله تأمینات لازمه ایفا قلنش و علی الاصول تنظیم و تبلیغ ایتمیر یلان دعوتیه ورقه لری اوزرینه مستدعی مومی ایله کامل بک اخرینی توکیله مأذون اولق اوزره وکیل نصب ایلمدیکي کسریه لی راشد افندی جانبندن مأذونیتنه بناء

توکیل ایدیلان رشید افندی کلدرک صورت و کالتنی مصدق سندلره اثبات ایلمش اولدیغی حالده مدعی علیه مرقوم دنیه بالذات کلدرکن بشقه طرفندن بروکیل دخی کوندر مامش اولدیغنه وکیل مومی ایله رشید افندی دعوی تمیزک عن الغیاب رؤیت و تدقیق طلبنده بولنوب وکیل مومی الیهک شوطلی اصول محاکمه حقوقیه قانون موتنک ایکیوز یکر می طقوزنجی ماده سنه موافق کورندیکنه بناء ماده مذکوره موجبجه اوراق موجوده وکیل مومی ایله رشید افندی مواجهه سننده قرائت اولندقدن و اوراق مرقومه میانده بولنسان مز بور دنیه ننگ لایحه جوابیه سننده تمیزی طلب اونان اعلامک قابل استیناف اولدیغی جهته طوغریده طوغریه تمیزی غیر جائز ایلوکنه حصر ادعا ایلنوب مستدعی مومی ایله کامل بک لایحه سننده محرر اعتراضات سآریه جواب و یرلامش وادی مذکورک اول امرده تدقیق اصولاً و مصلحه مقتضی بولنش اولسنندن ناشی تدقیقات تمیزی به شو نقطه دن بدأ ایله ذکر اولنان اعلام ابتدایده مستدعی مومی الیهدن تحصیل تحت حکمه النسان یدی بک ایکیوز اوتوز درت غروشک نصفی رأس المالا و نصف دیگر ی فائض اولق اوزره طلب و ادعا قلندیغی و تشکیل محاکم قانون موقتک اون برنجی ماده سی مندرجاتی دخی بومقوله اساساً حد استینافدن دون اولان بر مبلغ فائضیه برابر بشبیک غروی تجاوز ایتمه یله اولباده لاحق اولان حکم و اعلامک قابل استیناف اولدیغی تصریحاتی شامل بولندیغی جهته مدعی علیه مرقوم دنیه ننگ ادعای مذکوری غیر وارد کورینوب رد ایلدکن صکره دعوی تمیزه متفرع اولان ادعا و اعتراضاتی وکیل مومی ایله رشید افندی استفسار قلندی

اعلام مذکور مندرجاتنه نظراً مرقوم دنیه مومی ایله کامل بک ایله والده سی نفیسه خانمک متصرف اولدقلری ارفیقو چقلکی ذخایرنندن کندوسننه اعطاسنی بمقوله نامه تعهد ایلدکری معلوم الکیل ذخایر شوعدنک اثماتی بولنان اون اوج بیک ایکیوز غروشی نسویه و ایضا ایتدیکی حالده ذخایر مذکوره تماماً طرفنه تسلیم و اعطا قلنماش اولدیغندن مذکور مقوله نامه ده محرر فیئات موجبجه ذخایر متباییه ننگ اثماتی اولان اوج بیک التي یوز اون یدی غروش بکر می پاره ننگ فائض نظامیسی بولنان اوج بیک التي یوز اون یدی بچق غروشله معاً تحصیلنی طلب و دعوی ایلوب مومی ایله کامل بک دخی بالاصاله و والده سی مومی الیه نفیسه خانم طرفندن بالوکاله مذکور مقوله نامه ده اولان مهرلر کندولرینک اولدیغی تصدیق ایله برابر ذخایر مذکوره ننگ اثماتی بولنان اون اوج بیک ایکیوز غروشندن انجق یدی بیک ایکیوز غروشی مدعی مرقوم دنیه تأدیبه و ایضا ایدرک فصور التي بیک غروشی امره محرر برقطعه سنند اعطا ایلمدیکي حالده اخیراً مبلغ مذکور استیفا قلنقسنرین سنند مذکورک قضاء ضایع اولمش اولدیغی بیان و ادعا ایلمش ایسه ده مرقوم دنیه ننگ انکارینه مقارن مومی ایله کامل بک ادعای مذکورینی اثباتدن اظهار عجز ایتمسنه بناء و قوعبولان طلبیه مزبور دنیه ننگ امر تخلیفی بالاجرا سالف البیان اوج بیک التي یوز اون یدی بچق غروشک مرور ایدن ایام فائضی اولق اوزره برمثلنک ضمیمه بالغ اولدیغی یدی بیک ایکیوز اوتوز درت غروشک مومی ایله کامل بکدن تحصیلنه قرار و یرلیدی اکلشلسدر مستدعی کامل بک وکیل مومی ایله رشید افندی نحریراً و شفاهاً سرد و بیان ایلمدیکي ادعا و اعتراضاتک باشلوجه سی موکیله والده سی نفیسه خانمک حسب

المقوله ایفاسنه مجبور اولدقلری ذخیره ننگ مثلیاتدن اولدیغی جهته بونک امثلاً اعطاسنه حکم اولنق مجله اقتضاسنندن بولندیغی حالده کسریه بدایت محکمه سنجه بوراسی و مرقوم دنیه ننگ موکلی میر مومی ایله ایله والده سی خانم مومی الیه سی علیهنده اقامه ایلمدیکي دعوانک نتیجه حکمییه سی هرایکیسنه شامل اولق لازم کلورکن مصلحتک شو جهتی نظر تدقیق و مطالعه یه التمسین و دعوی واقعده دن دولایی مزبور دنیه ننگ امر تخلیفی اجرا قلنق ایجاب ایلوب ایتیه جکی و موکلی میر مومی الیهک و والده سی جانبندن حازا اولدیغی و کالتنک یمیز تکلیفنه قدرماً ذونیتی متضمن اولوب اولدیغی ماده لری دخی تحقیق و تدقیق ایلمکسنرین برمنوال محرر حکم و اعلام و یرلمسی مغایر اصول و قانون ایلوکی بیانیله اعلام مذکورک تقضی استدعاسنندن عبارتدر وکیل مومی ایله رشید افندی کرک اشبو اعتراضاتی و کرک لایحه سننده محرر دیگر ادعا و افاداتی خارجنده بشقه بردیبه جکی اولدیغی لدی السؤال اکلشلدقدن و امر محاکمه ننگ ختام بولدیغی کندوسننه تفهیم قلندقدن صکره ایجابی لدی المذا کره کسریه بدایت محکمه سنجه مرقوم دنیه ننگ مستدعی مومی ایله کامل بک ایله والده سی نفیسه خانمندن ذخیره اثماتی اولق اوزره طلب و دعوی ایلمدیکي مع فائض یدی بیک ایکیوز اوتوز درت غروشندن دولایی سبق ایدن محاکمه نتیجه سننده میر مومی الیهک مبالغ مذکوریه تأدیبه و ایضا ایتمسی لازم کله جکنه حکم و قرار و یرلمش ایسه ده وکیل مومی ایله رشید افندی بالاده محرر اعتراضاتی جمله سنندن اولدیغی اوزره مزبور دنیه ننگ محکمه مرقومه ده اقامه ایلمدیکي دعوی میر مومی ایله ایله والده سی خانم مومی الیه ننگ بمقوله نامه چقلکری حاصلاتندن اعطاسنی

متعهد اولدقلى معلوم الكيل ذخاير متنوعه دن
 هوز طرفنه تأديه وتسلم اولميان مقدارينك ائمانى
 اولان اوج بيك التى يوز اون يدى بچق غروشك
 فائضيله برابر تحصيلي طلبندن عبارت اولسنه كوره
 دعواى واقعه اساساً مومى اليهما كامل بك و نقبسه
 خانم طرفلرندن و يرلمش برقطعه مقاوله نامه حكمنك
 عدم اجراسندن متولد كورغمش واشبو مقاوله
 نامه ده مومى اليهما نك اعطاسنى متعهد اولدقلى
 ذخايرك مثلياتدن اولمق و مجله احكام عدليه حكمنجه
 بويله مثلياتدن اولان ذخايرك امثلاً تأديه وايقاسى
 مقتضى بولمق حسيله ذكر اولنان مقاوله نامه حكمنك
 تماماً اجرا قلمديغنه دائر مرقوم دنيه جانبنندن
 اقامه اولنان دعوانك ثبوت صحى تقديرنده مومى
 اليهمانك بر موجب مقاوله اعطاسنى تعهد ايدوبده
 تسليم ايتدكلى ذخايرك امثلاً كندولرندن تحصيلنه
 حكم و قرار و يرلمك لازمه دن بولممش اولديغى حالده
 مذكور كسريه بدایت محكمه سنجه دعواى مجبوت
 عنهانك شو صورتله حل و فصلى طرفنه كيدليوبده
 ذخاير متباقينه نك بدلاً تحصيلي بولنده حكم و اعلام
 و يرلمسى و خصوصيله اعلام مذكورك سياق
 مندرجاتندن استنباط اولنديغى وجهله سالف البيان
 مقاوله نك مومى اليه كامل بك ايله مومى اليها نقبسه
 خانم طرفلرندن مشتركاً تنظيم و اعطا قلممش و اساس
 دعوى دخى مومى اليهمانك هرايكيسى عليهنده اقامه
 و درميان ايدلمش اولديغى جهته حكم مقاوله نامه نك
 عدم اجراسى مانده سندن دولاي مومى اليه كامل بكه
 تحمیل اولنان مسؤليتله خانم مومى اليهانك دخى اشتراك
 طبيعىسى بولممش ايكن اعلام مذكور نتیجه حكيمه سنك
 مومى اليه كامل بكه حصر و تخصيص قلمشى و برده
 مرقوم دنينه نك ارامقده اولديغى اوج بيك التى يوز
 اون يدى بچق غروش اولجه مومى اليهمايه ذخيره

ائمانى اولمق اوزره تسليم اولنان بر اقيچه اولمغله برابر
 بونك فائضلى اولديغنه دائر مقوله نامه مذكورده
 بر فقره موجود ايدوكنه و ياخو بويابده پروتستو
 كشيده سيله فائض مطالبه سنده برلندديغنه دائر اعلام
 معترض عليهده بر قيد و اشارت اولديغى و بويله
 اساساً فائضى تحت مقاوله ده اوليان و پروتستو كشيده
 سيله طلب و ادعا قلميان بر مبلغ تاريخ اعطا سندن
 اعتباراً فائض يوريدلمسى قانوناً غير جائز اولدقن
 بشقه مبلغ مذكور فائض حساب و ضم اولمق
 لازم كسه بيله بونك اصول جاره و قاعده مرعيه
 سنه توفيقاً حساب ايدلمسى مقتضى بولممش اولديغى
 (بقيه سى صكره)

اعلانات

حسن بلك خزينه خاصه شاهانه به ۹ نومرولى اعلام
 موجب سنجه دينى اولان مبالغك تسويه سى ضمننده
 مديون مومى اليهك متصرف اولديغى بوستانجى
 باشى محله سنده صور غونجى زقاقنه ۲۸ نومرولى
 برباب خانه لى المزايدة ليرا يوز غروش حسابيله اون
 بيك بش يوز غروش و كوچك لنگه چاده سنده ۶۴
 نومرولى ديكر برباب خانه دخى بشيك يوز غروشده
 طالبلى عهده لرنده تقرر ايلديكندر بونن اعتباراً
 اوتوز بركون طرفنده يعنى ايلوكت بكرمى يدنجى
 كونه قرر تقرر ايدن بدل اوزرينه وزده بش ضميله
 طالب اولنلرك بك اوغلى بدایت محكمه سى اجرا
 دائره سنه مراجعت ايللرى اعلان و لنور